



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Lvitprandi Ticinensis Diaconi Opvscvlvm, De Vitis
Romanorvm Pontificvm**

Liutprandus <Cremonensis>

Mogvntiae, 1602

XXIII. S. Lvcivs.

urn:nbn:de:hbz:466:1-11115

LVCIVS, natione Romanus, ex patre Porphyrio, sedit annos 3. menses 3. dies 3. Fuit autem temporibus Galli & Volusiani, vique ad Valerianum tertium, & Gallicanum. Hic primam fuit in exilio, postea ad Ecclesiam incolumis reuersus est. Demum à Valeriano capite truncatur 1. Nonas Martii. Hic ordinauit Episcopos 7. presbyteros 4. diaconos 4. Hic propter maleuolos & sacerdotum persecutiones constituit, vt 2. presbyteri & 3. diaconi Episcopum in omni loco non deserant, vt iuxta Apostolum, etiam ab his, qui foris sunt, studium habeatur bonum conseruari testimonium; quod in epistola quam omnib. Gallia & Hispania Episcopis destinauit, apud ipsos seruari hortatus est. Constituit in eadem etiam, vt criminationes maiorum natu per alios non fiant, nisi per eos, qui crimina intendunt, & ipsi tales, vt digni sint, & irreprehensibiles appareant, & actis publicis se omni suspicione, & inimicitis carere doceant, & fidem ac conuersationem irreprehensibilem se ducere ostendant. Et quia hoc fieri ante quoslibet iudices interdum difficile animaduertit, ad alios Ecclesiasticos iudices, vbi maior auctoritas fuerit, postulanti audientiam, non negandam esse decreuit. Item in eadem iuxta sanctorum Apostolorum, & eorum successorum decretum precipiendo constituit, vt si quilibet Metropolitanus Episcopus, nisi quod ad suam solummodo pertinet parrochiam nisi consilio & voluntate omnium comprouincialium Episcoporum extra aliquid agere tentauerit, gradus sui periculo subiaceat, & quod egerit, irritum habeatur, & vacuum. Consensu etiam & consilio solummodo omnium prouincialium Pontificum Metropolitanorum Episcopo licere constituit agere, & disponere de eorum causis, & Ecclesiis, & clericis, atque secularium necessitatibus, aut de communibus quibuscunq; negotiis agi necesse fuerit. Similiter de ipsis prouincialibus statuit, vt nihil eis segregatim, aut communiter absq; Metropolitanis agere liceat, nisi de his solummodo quæ ad eorum proprias parrochias pertinent. Similiter Apostolica auctoritate præcepit, vt nullus Metropolitanus Episcopus absq; omnium suffraganeorum suorum præsentia aliquorum eorum audiat causas, alioquin irritæ erunt, & ipse causam dabit pro facto. Item præcepit, vt per singulas prouincias hoc Episcopi obseruent, ne posteriores se prioribus suis præferant, ne eis inconsultis, nisi quantum ad propriam parrochiam pertinet aliquid agant, sed de

17. q. 4. qui rapit. & c. omnes raptores.

Rom. 1.

communibus eorum causis consonam sententiam proferant & determinent, quia aliter actæ nullas vires habebunt, nec Ecclesiasticæ reputabuntur. Item in eadem epistola de expoliatione dotis, & oblationum Ecclesiarum consultus, prius multis rationibus, & multorum auctoritate hoc genus inuasionis & rapinæ sacrilegium esse ostendit, postmodum & auctoritate & decreto Prophetarum, Apostolorum, eorumque successorum, & omnium Catholicorum Patrum exemplis tales præsumptores, & Ecclesiæ raptores, atque suarum facultatum alienatores à liminibus sanctæ matris Ecclesiæ anathematizat & damnat & sacrilegos esse iudicat, & nõ solum eos, sed omnes eis consentientes, quia non solum, qui faciunt, sed etiam, qui facientibus consentiunt, rei sunt, & iudicantur. Par enim pœna & agentes & consentientes comprehendet.

CAP. XXIV.

S. STEPHANVS.

A. cclvii.

epist. 1.

6. q. 1. c. infames.

STEPHANVS, natione Romanus, ex patre Lobio, sedit annos 7. menses 5. dies 2. Fuit autem temporibus Valeriani, & Galliani & Maximi, vsq; ad Valerianum tertium, & Gallicanum secundum. Hic cum duobus Episcopis, & octo presbyteris, & tribus diaconis in carcerem missus, cum singulis tandem iussu Valeriani capitali sententia plectitur 4. nonas Aug. Hic ordinauit Episcopos 3. presbyteros 7. diaconos 5. Hic in epistola, a quam Episcopo Hilario misit, infames personas ad gradus sacros promovendas, & ad accusationem recipiendas esse prohibuit; Infames verò eas personas esse descripsit, quæ pro aliqua culpa qualibet notantur infamia, id est, omnes qui Christianæ legis normam abiiciunt & statuta Ecclesiastica contemnunt. Similiter fures, sacrilegos, & omnes capitalibus criminibus irretitos, sepulchrorum quoq; violatores & Apostolorum eorumque successorum, & cæterorum sanctorum Patrum religiosa statuta libenter violantes, & omnes, qui aduersus Patres armantur, similiter incæstuosos, homicidas, periuros, raptores, maleficos, veneficos, adulteros, de bellis fugientes, & qui indigna petunt sibi loca tenere, aut facultates Ecclesiæ abstrahunt iniuste, & qui fratres calumniantur, aut accusant, & non probant, vel qui contra innocentes Principum animos ad iracundiam prouocant, & omnes anathematizatos, vel pro suis sceleribus ab Ecclesia expulsos, & omnes quos Ecclesiasticæ, vel seculi leges infames esse pronunciant, hos omnes infames esse descripsit, hos ad sacros gradus prouehi, & ad accusationem recipi interdixit. Item seruos